

կանաց զկնիք կոնդակաց, եւ զայլ անձնական գոյս թողուլ 'ի Ս. Աթոռն ընդ բանալեաւ. առեալ ընդ իւր միայն զհարկաւորեալսն՝ չկնքել զՊատրիարքարանն, այլ միայն փակել և զբանալի նորին դնել 'ի դանձարան եկեղեցւոյ 'ի ձեռն Լուսարարի. և 'ի ծառայութիւն 'ի ճանապարհի առնուլ միայն զԴաւիթ վարդապետ իւր եւ զայլ ոմն. զի ազգայինք առաւել քան զայս յարմար սպեղանի ոչ կարացին տնօրինել, ուստի մի ոք հակառակեսցի եւ կամ խափանեսցէ զելանել նորին յԱթոռոյ՝ պատճառելով զպատճառս, զի մինչեւ ոչ ելցէ նա 'ի քաղաքէն, դառնութիւնք հարկապահանջ բռնաւորաց ոչ դադարին, որով հանդիպի Աթոռն մեծամեծ փնասուց և պարտուց անվճար։ Եւ 'ի խոթոռել սարտատեարց և կամ 'ի պահանջել զառնելիս իւրեանց 'ի Պատրիարքէն՝ յանձն առնուլ Սորհրդականաց զոյն՝ թէ պարտքն Աթոռոյն է և մեր. զայս ամենայն գրեանս յանձն արարեալ Ոստիկանին և Մկրտիչ վարդապետին առաքեցին յԵրուսաղէմ։ Եւ ճանապարհ արարեալ սոցա հասին անփնաս յԵրուսաղէմ (յՅ Օգոստոսի). և 'ի նմին աւուր իջին 'ի Գառարան և ետուն կոչել անդ ըզԳարրիէլ Պատրիարքն հանդերձ Ծերօք և Սորհրդականօք, ուր ընթերցան առաջի բազմութեան զհրովարտակն Արքայի, եւ յանձն առ Գարրիէլ հնազանդիլ հրամանի Արքային և Ազգին, ապա ել 'ի ճանապարհ ունելով ընդ իւր զՄուսաղիւրն և զարս և զնալ 'ի կոստանդինուպոլիս ('ի 19 Օգոստոսի)։ Եւ զինի ամսօրեայ ժամանակի ըստ յորդորանաց գլխաւորաց ազգին, և խնդրանաց Աթոռայնոց դիմեաց Պօղոս Եպիսկոպոս միայն 'ի Ս. Երուսաղէմ ընդ ուխտաւորաց. դիտել քննել, և զննել լուրիւայն զկարեւոր պարագայս Աթոռոյն տեղոյն և ժամանակին, և ըստ այնմ հոգալ զհարկաւորսն, և մնալ անդ որքան ախորժիցէ. և յեւանել նորին մի գուցէ ոք բռնադատեսցէ մնալ. զի քաջ դիտէր նա խորհիլ զօգուտ Աթոռոյն եւ զհարկաւորսն տնօրինել, այնպէս Պօղոս ել 'ի կոստանդինուպոլսոյ եւ Գարրիէլ յԵրուսաղէմ։

Եհաս Պօղոս յԵրուսաղէմ ('ի և Նոյեմբերի), արար ժողով յեկեղեցի Ս. Յակոբայ ('ի 16 Նոյեմբերի). մեկնեցաւ երթալ յԵգիպտոս Բեթղեհէմի ճանապարհաւ ('ի 14 Դեկ-